

摘藻堂四庫全書薈要

集部

欽定四庫全書薈要

集部

御製詩二集卷八十九

九十

詳校官原任編修臣徐立綱



欽定四庫全書薈要卷一萬三千四百十六

集部

御製詩二集卷八十九

古今體八十一首已卯七

恭奉

皇太后駐蹕避暑山莊

山莊避暑建

堯年每至山莊暑已蠲却是秋來尚婪熱要知

天佑為遲田

今年得雨夏至後佈種甚遲常虞節涼霜
早乃今秋炎熱異常禾黍得以實堅實好

誠感
造幘幪之賜大率欣即景輒揆筆可緩行蒐慢著鞭節遇早

原擬七月過望即往木蘭行圍茲以
熱鹿未呦鳴故改期仍過八月望啟行

色養

武繩莫非事敢因遊豫弛乾乾

永佑寺瞻禮

皇祖神御感成長句

靈臺經始庶民攻逐處

奎章仰

聖蹤

神御肇禋思

所喜

祖恩如昨報何從
恬文嬉武戒常凜
揚

烈覲光志益恭三十七年春
鼓夢涼風白日感重重

瑩心堂

秋湖四面古堂深

寶額雲楣號瑩心
政本不惟操治鏡
理源魚可滌塵襟

波涵玳箔虛無色風入霞衣萃蔡音

臨董書看原勝董

堂中
筆臨

董書猶存
皇祖御

敬思

當日惜分陰

荷

關中房墜粉塞外錦舒芳祇以寒開晚翻教時耐長恰
如君子德緣託

聖人鄉竟谷香風馥含毫意未央

峽琴軒

流水風松靜與昏
嶧桐不操八音諧
西山爽氣正當戶
東沼初陽又上階
每憶

虞絃歌復旦寧誇
陶壁傲無懷懋勤
慣是能供奉江硯
宣毫率已排

靜寄山房

碧草白沙步野塘
槐陰還有讀書堂
人生而靜天之性
山古以深日亦長
那慕征僑學仙術
惟希周孔養心方
睿題咀嚼義彌永
縱覺瞠乎敢不費

錢穀秋林讀書圖

氣爽雲閒今古情
匡牀擁膝有書橫
揣稱更待賦成日
宋玉應教畏後生

觀瀑

非聲亦非色
宜視復宜聽
一道界開白
兩峯相對青
澗崖猶磊落
滙浦自清泠
何異臨川上

堯思即孔庭

題澄觀齋

面勢得巖齋曠朗宜延佇雲山叅動靜圖書鑑今古六
情不期澄於何識茹吐著句亦偶然聊因壁空去聲補

巢翠亭

灌木嘉陰翠尚濃虛亭聊且失千峯前年惜翠心何似

丁丑詠此亭有漫道秋風紛
葉落檐間意足翠陰留之句流水行雲勒壁踪

熱

十日前關內徬徨畏炎熯蒸雲懼為霖更慮暘輿僕五
日前關外曉寒峭巖谷長此將早霜禾黍尚芄綠即今

晴已定況復駐靈囿轉燠審無妨晶陽喜高暴絮衣脫
換紗叢樾爽風逐今秋已過閏情知涼應速此熱實利
稼秀實催嘉穀靈臺非舛測農扈有厚福何莫非
天賜為民額手祝

滄浪嶼

玲瓏壁菴窻淡沲池繞砌垂手可濯清舉目惟延翠空
澄含峭蒨淺會皆神詣造物獨鍾秀於何勞位置縹緗
展往訓自取慎所事

知魚磯

古樹兩株水一溪
遊鱗潛躍任天倪
底須博辯誰知者
了識蒙莊未物齊

泛月三首

山古湖寬列仙地
氣澄雲斂好秋時
御園漫惜啟蹕早
塞苑端欣泛舸宜

野湖傍晚十分涼
執事傳宣換絮裳
何不言旋歸邃宇
愛他蕭景引懷長

滿目冰光滿意清前年佳趣記分明

甲戌曾此泛月笑他癡羨

廣寒者未識人間有玉京

素尚齋

太古山中室高秋時節天有懷惟淡泊無物不神仙
候暖林猶翠露繁花益鮮却嗤芥蒂者動說俗塵蠲

永恬居

地僻山深未可耽君師責重一身兼簷端

寶訓分明示寰海蒼生要引恬

賦得清溪遠流

一水帶千澗，千峯卷一房。
自然含動靜，即此示真常。
源溯白雲迴，流歸碧海長。
惟應學子在，不必問仙鄉。

中元夕放河燈

過閏節，占白露，早便教塞館度。
中元却因少見，翻如初底識。
推遷不者存，夜浦愛看分。
芟炬野塘亦自有，蘭盆金仙無物不超度。
何事林間鹿避喧。

春好軒

地是恒春地莊原無暑莊仙林萬古秀真卉四時芳送
語禽如識躍潛魚不忙文窻虛且靜敲句坐因長

題千尺雪

底誇薊北更吳中塞苑為家西苑同四卷畫圖一時賞
無過佳話付秋風

雲外來源遙且迴槩之千尺例諸方侶魚鰕復友麋鹿
須識此間是所長

越中陶器惟茲合惠上筠籬到處存即景浮香一評古

君謨茶諫有名言

登四面雲山亭子作歌

亭子諸峯最高處以不常來如始遇秋風策騎一遨遊
巖樹澗葩皆興助金山西北黑山東天橋對面當亭中
我欲因之詣彼岸佞僑之輩其相逢佞僑仙術無濟世
寄意則可難從事黍原蕎嶽皆本圖外靖內安尋至計
煌煌

聖藻石屏懸齊年却識辛卯年迴思承

訓

御座前敢不覆乎佛時肩

題張子政秋荷雙鳥圖

霞殘荷衣沈露冷蓮房老鳥啄子背飛為恐其他曉

讀王徽之傳偶題

晉室清談實妨政不知馬數詡崇情會稽當與牛羊長
孔子猶然素位行

招涼榭

地近西山得陰早秋來婪熱藉招涼詎因颯爽清煩慮
却幸西成候正長

翠雲巖

絕壁崔巍實壯哉清秋又此索吟來若無雲氣為浮盪
安識剛柔萬變賅

待月西峯復下登舟賞玩

山莊泛月偶一逢況值新秋清且美過望而復蔽東嶺
白傅詩中悟其理急則計生因尋山敵則氣作且置水

跋馬西峯最高處下視東嶺乃眼底不踰時尚未黃昏
東海湧出銀盤子大千世界一廣寒棗葉須彌難比擬
徐徐策騎下崇椒月隨我共登舟矣謝家高致昔留詩
別開生面惟予始設云卿士在箕疇旁求若濟亦將企

綺望樓

樓登綺望一憑看錦繡原非纂組觀雖乏桑麻富禾黍

塞外非有蠶之地桑
麻女紅勢不可言

求衣於食又何難

望鍾峯作歌

晚熱寧不欲尋涼心中却幸農夫慶肩與西嶺上絕頂
錘峯東望遙相當天風吹寒颯衣袂攀陟雖炎爽此際
乃知得逸恒於勞玉柱亭亭況佳致亭亭玉柱幾千秋
風月與侶鹿豕儔而今遍野田廬稠亦復臺榭供清遊
古人曾經到此不錘峯笑道非所求

題金廷標四皓圖

深山大澤擬商賢四老婆娑杖履閒何必磻溪心迹愧

反司空
圖詩意
從朝也未忘人間

詠唐時回銅器有序

山莊舊藏古銅器一似豆而短足初以為三代青
綠耳迫視之形不饜饜銘不乙丁金銀錯其文則
似回字令吐魯番哈密回子等識之惟識噶愛兩
字其餘皆不辨蓋彼經文亦有今古之異人不能
盡曉也嘗考回鶻唐時始通中國史稱其先匈奴
匈奴與今之蒙古相類則回回並非蒙古且殊教
也元史始有回回國之名或稱其為大食國種大

食在西域此稍近之明丘濬以為陳隋間始入中國在在有之在在有之者亦云其繁滋漢土者耳其的派固不離西域也今平定葉爾奇木喀什哈爾此實開闢以來不異之回地回人若布魯特若哈薩克皆其蔓延繁滋或雜蒙古種者有之若唐史回鶻傳所稱善騎射喜盜鈔者實近厄魯特之習而非回人所能徒以回鶻音近回回因屬之纏頭之類耳究之耳食舌傳魚魯千里將以餘暇博

考此姑俟之所喜者適獲此器於平定回城之時
殲厥渠魁繫以白練兆在斯乎兆在斯乎故從而
為之辭

不是辛尊與啟匜考時應入李唐時纏頭回鶻人斯用
餵肉葡萄宮所遺噶讀作平聲愛旁行粗可識冰斯古籀豈
咸知遷其重器茲先兆佇待俘來罷遠師

午暄

邇來候轉炎山雨昨夜洗驅盡婪尾熱峭涼侵袂矣予

心望晚稼未可便長此午暄暴晶陽華黍風尤美如是
期十日黃雲庶可擬

射

巡狩寧稽除授官門前次第引來看隨材簡職仍餘暇
以已先人與衆觀弓燥手柔秋正好侯空鵠揭月輸團

鄭司農云方十尺曰侯四尺曰鵠如是則宜其百發百
中矣今所謂把子者高四尺寬一尺以之試箭若鵠則
周圍僅止一尺而五層其中的則徑寸耳以之試鼂頭
所謂侯者方不過六尺空其中以懸鵠俗謂之擋子者
也或中鵠或矢出其空處鬢齡迴憶原茲地屢中親承
尚可若中擋子及有罰矣

仁祖歡

康熙六十一年予年十二罷輒常蒙

命試射以示扈駕諸臣時曾屢

中每承

天語褒嘉迴

思卅七年事如在目前

清舒山館

蘭露杉風又一時
芸窻斐几小宜之
似茲山館寧當負
每至清舒例有詩
水繞階前定無滓
節臨秋仲若為遲
舊題新什相聯續
境詣如何藉自知

瀑源

瀑簾常目前
瀑源久心孔
會須一窮探
散步循龍從石

棧左右移木鉤鎖其隴如此經千曲上皆翠雲籠叶疏
隙時見天坐井觀同芟岬啼平轉邃推姜擴復攏歷爾
許朔見乃得天池滙鍾乳出縫罅棘蔓或闕壅關焉稍
疏治放乎流益洶掃苔坐俯澄弄影浮雲動乃悟地中
行自下視如聳居高詎忘卑獲竒在賈勇香鑪三千尺
亦自足底湧

軍書

軍書清曉到兩回城已定

葉爾竒木哈什哈爾兩大城其兩城所屬小城更以十數

計皆已傳

檄而定 賦役及建置惟將軍所令

將軍兆惠等既收撫回中諸城請酌

定賦役視噶爾丹策凌時徵取之數分別蠲減有差并

定錢制廣園銖兩正面用天朝年號而以城名回字附

職掌名目則各緣其舊俱降旨如所請行 逋逃雖有

挈捨而來相迎詢以所去方乃無可投境

叶軍中得回人詳訊逆

賊潛逃踪跡云初議投安集延既懼為布魯特劫畧既

又得拔達山伯克回信以往投人衆其地必不能容二

酋不得已暫匿附近之塔蓋嗎地方或就彼竄入塞爾

古爾土城苟延殘喘計大兵一經圍壓可以立就俘獲

矣 邏騎遮其前大軍逐以競此舉或成禽載戢載橐詠

佳兵詎得已討逆惟義勝藉衆集大勳盟獨欽

天命

固濟爾巴圖魯瑞綽爾圖畫節詩

瑞綽爾圖者索倫侍衛員曾以血戰功因賜號旌賢

瑞綽

爾圖於乾隆二十一年冬隨大兵進剿阿睦爾撒納與哈薩克力戰有功特賜是號

固濟爾何謂

敢勇能摧堅亦云其勇耳大節乃炳然兆惠定回城

哈什

哈爾驛章一一宣云有瑪穆特被回擄去年其人厄魯特

隨軍廝役焉將軍遣偵騎彼亦隨往旃

時將軍遣散秩大臣達什策楞

及瑞綽爾圖莫寧察岱屯等率兵百人前行捉生口瑪穆特莫寧察廝養也

忽被賊回遮衆

寡敵實難矢盡守空屋奮突揮以拳莫寧察戰沒岱屯
命亦捐瑞綽爾圖在傷重飲劍艱猝被生縛去至霍集
占前卓立唾賊罵裂皆髮衝冠巴圖魯侍衛豈懼爾狂
弼天兵今少至數萬繼進連以千敵爾萬汝滅踵不旋
霍集占乃怒持刀向頸剗其達什策凌同時遭繫牽霍
集占忿詈爾厄魯特人叶脣齒應相依何受中國官鐵
鈎鈎四肢其死最可憐是皆所親見飾語敢取愆徒以
無足數旦夕命苟延渠逃定回城乃復得見天兆惠間

此語既悅繼涕連悅以我有人涕以已所遣叶據實歷

詳陳痛淚不忍看心與帥臣同恩加寧惜駢瑞綽爾圖等前已有

旨勅部照陣亡例賜卹今悉其死事為齒睢陽張為舌

常山顏古有今豈無詩錄其人傳

雙義詩有序

副將軍富德至葉爾奇木既定回城痛去歲將士
之沒於王事暴骨沙場為之築墳表墓因以奏聞
蓋隨將軍兆惠力守者固已無恙而旁出捉生及

在途值賊者猝致捐軀實出逆料時則納木扎爾
三泰適以奉差而往遇難而殉此雙義之詩所由
作也夫雙忠戡亂於無形雙烈表節於有北今之
雙義亦復炳然此皆我八旗世臣與國同休戚者
在諸人含笑九泉已知世錄之必被而朕捫心午
夜奚啻手足之如傷用兵既非得已盡節豈所樂
聞且即此役而言非生擒二酋何以雪我三軍之
恨哉然既建大業寧免微疵即走卒廝養頗切同

仇則知我國家秦養旗人萬年鞏固之基而非周
秦漢唐一興兵而天下驛騷怨聲載道者比此又
朕所深慶幸者夫

雙忠昔集事雙烈能忘身

二事皆見前集

茲作雙義詩其故得

細陳曰納木扎爾曾贊北路軍奮勇剪逆賊封伯酬其
勲

納木扎爾先以都統叅贊北路軍務曾擒喀爾喀叛逆青深離卜論功加封伯爵

副都統三

秦英氣頗超人均御前侍衛素悉厥忠純兆惠富德輩

從戎久劬勤欲代俾將母

將軍兆惠富德母俱年高比歲領軍討賊故特簡二臣往

代之二臣被選掄去歲黑水役

前事見

固守遣索倫致信愛

隆阿權退催後援可支百日間連進莫遂巡

將軍兆惠等猝被賊

遮時愛隆阿拒河駐後將軍兆惠自圍中遣索倫二人間道傳語大兵未集可速迴阿克蘇俟後軍一齊進援

將軍及叅贊輕進徒俱焚當待師並來何慮狂狙信

時授

納木扎爾為靖逆將軍三泰為叅贊大臣之信兆惠已知之故亦令暫迴以俟後軍

爾時二臣者

馳驛往軍門過愛隆阿營却近黑水濱所遣人未遇礮聲前忽聞知賊與我戰聞戰恥退奔徒攜百餘騎赴義命同捐叶凶信驛遞來痛淚傷心魂使早知拒守退俟

熊羆羣同進可樹功何致均沉淪即先至一日合兆惠
軍屯亦可旋今歲奚煩以身殉叶不前復不後此實若
有神富德自和闐重至黑水津葉爾奇木降諸事粗處
分痛念我將士沙場化為燐黃頭雖不備掩骸權為墳
猿鶴昔屬幻丘隴今可循因以此事奏西望揮淚頻豐
碑旌墓門千秋西海垠捐軀固臣節在爾非所論在予
則何忍此恨終當伸夷考六人蹟事異心同均與國休
戚共寧止曰蓋臣史筆多訛傳永言傳其真

和閩王

和閩昔于閩出玉素所稱不知何以出今乃悉情形石
蘊山含輝耳食傳書生其實產於水在石亦浪名未治
斯為璞卞和識其精設云隔石識怪幻乃不經回域定
全部和閩駐我兵其河人常至隨取皆瑤瓊驛致貢天
閩瑟若孚勝呈瓌寶固匪求方物亦可聽在彼乃恒有
何關王道貞璠璣云於魯瑄珩云於荆今何不見出紀
載誰果誠博物折中理祛惑期可徵永言識顛末詎貴

摘詞英

普寧寺觀佛事

蒙古等皆敬宗喀巴黃教故於山莊之北建此梵
刹聚黃衣者流而唸梵唄且達什達瓦餘衆歸降
者嚮風慕化咸使安居樂業茲令演步踏法事俾
衆觀之並成是什

塞垣筏寶煥林珠大聚衣黃偏袒徒宗喀巴傳慧燈耀
三摩耶式梵宮圖

是寺肖西藏三摩耶寺為之

象龍步踏惟天力老

幼駢觀與衆娛神道何妨權設教若論佛法本來無

題菴畫窻

高處霞標小憩居
錘峯列水俯臨餘
幾檣紗牖誰為畫
十笏山房恰受虛
生色丹青是楓榭
有情活潑在禽魚
賦詩何必多思歇
其奈當前每起予

霞標

雲窻攬鏡中月宇
駐依空得趣真無
比澄觀復不窮屏
山遙拱北帶水俯
臨東孫綽天台賦
我心先獲同

賜明瑞有序

叅贊大臣毅勇公明瑞以逆酋大小和卓木望風
先遁率前鋒銳卒往遮而賊徇間道通信逆酋遂
兼程走明瑞追及之於霍斯庫魯克以遠馳之旅
摧拒險之徒銜枚列隊者甫九百人鳴哨據梁者
且六千指而能折負隅之勢揚卷籜之風轉戰三
時辟易百里擒生斬級輜重畢收而將軍富德等
亦以兩城既定統師會勤逆豎計日可擒非其志

秉忠誠曷以功隆
摧陷雖古名將孰克方茲爰賜
是詩以彰其績

世胄更勲戚少年能老成
從軍俾習事屢戰得英聲
適以狂狙遁因將勁旅征
欲遮先信漏不捨竟踪橫
地利彼雖擅人和我實勍
騎惟九百到賊乃數千
迎少卒勝其衆勇還濟
以誠勗哉俘二豎衛霍遜功名

王維烈芙蓉秋鴨

霜寒北漠鴨南迴
幾朵芙蓉貼水開
正是山莊秋半景

畫家那得見茲來

桂六首

秋暖勝去年桂花開却早

去歲山莊以秋暖桂花未開即啟蹕往木蘭

臯塗

真有神應節從吾好叶

不可更孤負色香靜且娟一晌含毫對流陰霎兩年
花既有君子樹豈無金仙舉手向空宇新蟾銀漢邊
滿院甜香噴坐久却淡如會心不在遠似與善人居
紗窻多護惜甕盆亦貼妥若從聞思修堪證菩提果

本是江南樹揚猗塞北山何物不可致人材較却艱

金廷標懸崖採芝圖

俯澗地仙矐似鶴援藤童子捷於猿金枝朶朶那堪採
迴首遙須問一言

聞京師得雨誌事

去歲山莊遙盼澤

去歲秋旱關內關外無不望雨

今年京縣渥霑膏此

間不雨熟已定

關外雨則氣寒早霜
茲不雨實為宜也

彼處即晴惠正叨

京兆奏至雨後即
晴甚叶農候云

內外黔黎均意塵艱難稼穡為心勞

候暄程改駐清蹕

本擬七月十六日啟蹕往木蘭以候暖鹿未哨移於中秋後起程

消

得林泉興一陶

新月

一搗爛銀鈎可望不可揣
堅欲玉尺量却入西林裏
漢邊斂雲片庭前舒桂蕊
情知中秋遙珍惜早爾爾全體
本無虧示冲有如此

王炳山水

落落盤盤蔚萬松
翠微深處有雲封
石灘迸水來何自

惟見半天垂白龍

寧靜齋

窻入萬螺青階臨一鏡
淳心倪叅有象道籥契無形
水動山惟靜天清地亦寧
武侯示微旨可以註羲經

嘉樹軒

建木非南北大椿是弟兄
就陰軒初造擷秀句因成
朔地自今古塞天忘槁榮
輪囷覺私幸未冒漢唐名

涼

半夜西風曉驟寒
數聲霜信度雲端
前朝跋馬看山稼
逮熟無妨意為寬

元人鳩雀圖

瓦雀棲花樹錦鳩傍水石
託體雖不同意各適其適

冷香亭

潦水寒潭蘆荻蒼汀沙白露
欲為霜晚荷幾朵支歌影
風韻今朝挹冷香

臨芳墅

別墅水之涯清華復靜美團團榆槐陰羅羅花藥蒞偶
憩如久居心恒不離此不離此緣何簷額揭妙旨

對時育物心

翥鳳飛龍體

晚荷

芳收岸蓼與汀蘋淨植依然武列濱何必奪朱不君子
可知衣紫亦山人

山田

山田已報熟農父事腰鎌願遂汗邪滿利遺種穗兼便
霜信何礙卒歲為欣占薄賦還逢稔閭閻氣自恬

尋鹿六韻

園內富麋鹿尋踪遵躡達步行常十里手銃那雙施

一鎗

即中不須再也大澤深山處習勞奮武為无虞自可耳同往且

卑之所有戒多取原係園中育物亦不多傷物命也圖餐豈藉斯繩

先具深義樂此不為疲

即事

南省春花好畧旱夏即霑北省旱原甚需澤收倍兼甘
肅乃太遲無濟愁為去聲添是惟優加賑庶稍救閭閻
聞衛水漲洪流潰運漸景州路為阻低田定致淹吁哉
被災民美中不足占叮嚀彼大吏毋為諱飾談求全遺
向隅溝壑其何堪念茲還在茲廿四年凜監

錦樹三首

初來濃綠尚縝紛逾月棲遲秋已分舉目連林試騁望
新紅幾點又堪欣

含暉爛爛復飛飛
靺鞨玫瑰是也
非林下麋麋忽行過
錦張天鹿出唐機

已看颯沓未槎枒
一幰遙峯亂晚霞
特是山靈能解事
設來孤注鬪春華

含粹齋

登山汗不揮
為是候涼爽
巖齋底須多
三間含萬象
颯景信純粹
妙理得俯仰
設無秋為斂
豈鎮夏而長
五言誌會心

兩字生企想

吟紅榭

霜蹊風谷薄人寒散步崎嶇出衆攢纔到山齋便得句
為他入牖幾枝丹

即目

即目真情體物知鶴糧或竊鶴啼饑青田誰為供芻粟
可使由之意若斯

中秋帖子詞九疊前韻 有序

晶盤瑩采九十平分金粟馥香三千徧滿寄崇情
於玉塞延麗矚乎雲莊原夫閏律暑遲田畷佇登
禾之喜邊垣秋晚虞人需戒道之期看來鶴鹿皆

馴

祖澤常懷

文囿聽去笙璫並韻

慈顏近侍

瑤池重隄曲水杯流虛白毫光和寶刹浮圖互映半壁

高峯錘照空青黛色與降蕃列帳交縈遼哉萬里
同晴關外懽聲傳檄遂捷矣百城俱下湟中勁響
應宣饒想一軍振槁先登快甚吳剛斧琢知二豎
擒生立致迅逾博望槎迴既開桂殿長筵將啟蘅
臯清蹕紀旋鑣之盛事合勝停鑣廡秋帖之新裁
宜過春帖曩者四篇製就固已都捐霓羽靡詞茲
焉九疊吟成庶幾共叶莖韶雅奏云爾

勝地良辰可放閒攜來詩稿自刊刪開編恰是中秋帖

即事重吟玉塞山

朗照寧分中外光
揮毫墨染桂花香
興州景詠纔四度

合京師木蘭諸處九疊前詞
於山莊已為四度帖子矣
西極功成逮一匡

洗洗猶有逐回師
獲醜佇成奏凱詩
雖共儒臣賞佳節

塵懷遙在察汗池

二酋逃
往之地

欲招東魄上西樓
畧覺山寒不礙秋
風月宜人賡九疊
光陰瞥眼憶從頭

中秋日侍

皇太后宴

獻

壽東朝祝南極承

歡北塞擬西池以天下

養樂莫大值秋月佳景更奇動桂浮蘭彼徒爾慶霄綺

節此為宜由來

家法貽千禩松鶴延齡

昔有詩

三十六景中松鶴清越乃皇
祖奉養寧壽宮皇太后處也

月兔

月中玉兔日金雞卯位東方酉位西綜錯陰陽交離坎
張衡靈憲豈無稽

登樓

餘閒聊爾試登樓近遠山田報有秋一月幾迴開口笑
萬幾無間悉心籌錘峯早上團圍魄列水寧殊今古流
此夕此時祇宜樂為懷西旅却增愁

副將軍富德等追及兩和卓木大勝回軍捷音至

作歌紀事

慶霄對月方開筵將軍捷報驛騎傳擘囊展書歷歷閱

額手慶慰衷心憐憐者我衆實奮力慰者呵護惟賴

天萬有餘里所致馬

軍營解馬自內地至肅州遠者已四五千其自肅州至察汗烏蘇

又萬餘里而山間繞道崎嶇屢經戈壁均未得飲秣稍休

又踰戈壁無水泉裹糧追

賊幸尾及彼逃乃在廿日前

逆酋兩和卓木警我軍威於大兵未至葉爾奇木哈

什哈爾二十日之前已離巢遠竄

明瑞先已折其角未經大創猶抗顏

先是叅贊公明瑞襲賊於霍斯庫魯克嶺轉戰三時擒斬賊衆甚夥乘勝追擊軍聲大振會日晚我兵馬力不

及賊復以其
殘衆竄去

阿爾楚爾列賊衆避其輜重伏據山輕舉

墮術在所戒集思持重勝算先

時逆酋方設伏於兩山峯頂少遣賊人迎誘我

兵欲逞其狡計副將軍富德知之與叅贊大臣等集議營陣攻取不恃勇輕進

偏伍彌縫密佈

置發縱指使皆英賢

副將軍富德與霍集斯等統中軍今叅贊公明瑞阿桂等領左翼叅

贊阿里袞巴祿等領右翼翼之中各分前中後隊又益以奇兵援兵隊各為二別遣巴圖魯侍衛額爾登額等分率巴圖魯魯兵二隊備四面應援而領隊齊凌扎布為殿軍將卒如臂指相維佈置實當諸大臣均

予心膂巴圖魯侍衛比肩夙所教養共休戚敵愾兼逮

輿儻焉

是役雖僕隸無不共奮義勇

同心戮力功克就二豎鼠竄圖

苟延戰罷檢閱傷一卒殲彼計級乃盈千師難到葉爾

奇木況過數千里行遠以少勝衆剪賊黨

明瑞既以前鋒九百擊敗

賊衆六千茲役也我兵馬步統計不過三千人勦逆狃四千餘衆擒斬者已過其四之一而助逆渠魁如阿布

都克勒木等大伯克數十人並臨陣殲之逆酋黨惡殆盡云國威赫濯揚天邊優叙

未足酬勞績

捷奏至並有旨從優議叙猶念將軍泰贊等殫忱奮勇殊勲非常例可酬立待元兇

就縛時特加曠典

桂觴欲泛還罷旃百年養士今獲效

祖宗福蔭貽萬年佇待俘虜到露布西師之役方稱全

西師之役方稱全行張凱宴勞凱旋

二二二

御製詩二集

二八

御製詩二集卷八十九

欽定四庫全書薈要卷一萬三千四百十七

集部

御製詩二集卷九十

古今體七十七首

己卯八

避暑山莊啟蹕木蘭行圍之作

候暄程為改節過獵斯宜
呦鹿云將發行驄豈重遲霜
霏山路迴潦退野橋支納稼
村村接秋成歷閱之

山田

山田率已熟向北看更好
圃場積如墉棲畝收未了
閭

閻氣象恬可因識溫飽俯仰足資生盜賊自然少所以
祈年要首務為政道回思半年旱千里赤如掃寧敢作
此想展轉增憂惱

昊天不遺民恩雨蘇枯槁内外同一日

得雨俱六月十
二日即科爾沁

喀爾沁等處
詢之皆然普靈佑懷保信哉

德好生詎曰能精禱呼吸實通靈對越益凜藐

波羅河屯行宮即景

山峯過筆架

行宮東峯俗
名筆架山

誰歟凌鮑謝河屯到波羅誰

歟演檀那由來名象曾何關梵言華語都須刪太古以
來此川野數字行宮蔥蒨間風清月白鎮如是那識客
往與客還

所見

墾遍山田不剩林

三十年以前凡關外山皆有木可獵
今則開墾率遍不見林木非木蘭獵

場禁地皆不
可行圍矣

餘糧棲畝幸逢霖不教緹騎輕蹂躪能忘

蒿宮惕照臨愁以得之慰亦切難而獲者惜猶深可知
攬轡徐行處多少思艱圖易心

入崖口

九曲伊遜

讀作平聲伊遜
蒙古語九數也

水雙尖崖口山又將試秋獮

曾未改峯顏習武朝家重來王諸部閑駝鈴過輜重活
畫翠巖間

園中

園中選勝坐翠垠嘉樹為蓋莎為茵時看足底飛白雲
風吹落葉左右紛目不見俗心無塵我豈長林樂隱淪
頗覺巢由不我擯隔川忽過蒼鹿羣園遠未致驚迸奔

擇肥命中施花神

於虎用虎神鎗於鹿用花神鎗皆皇祖時所貽武功良具

立斃

其肉實鮮新奔走蒙古及索倫舉火即析山之薪割生
炙熟不逡巡驚刀手試嘗其臍呼前分賜飽德均上下
和樂胥歡欣由來古俗匪自今叶景宗小哉安足論

涼六韻

昨日塞雲重興安想雪飛迫來嵐氣峭迎去曉曠微復
障聊成憩平林旋合圍蹄輕宜獵騎身冷換旃衣冰凌
去聲隨溪下霜華到午晞馳驅藉取暖屢屢玉鞭揮

八月二十三日

皇考忌辰作

二紀脩成昔一悲直至今北來秋序每

南望白雲深善繼曾何有時思益弗禁從頭讀

遺詔

予小子于每值
手恭讀

遺詔一過誌不忘也

皇考忌辰必盥
敢不勵初心

威遜格爾

蒙古語樺皮室也傳聞

皇祖時奉

太皇太后避暑於此遺址尚存穆然起敬

威遜之言謂桦皮格爾

平聲

乃室憩居宜

東朝奉養

康熙代西苑較羸宣德時夏清常欽

孝思永秋蒐每撫

聖蹤遺即今

家法遵無斁歲歲觀圍侍

懿慈

閩省百歲老民沈起龍夫婦齊眉子孫五世四十
餘口同居誠僅有之盛事也大吏請旌並成是
什賜之

六星臨海嶠五世茂昌枝聚井風原美

閩省率聚
族而居

充閭

慶益滋睦雍堪勵俗和順自延禧鳩杖康強倚篠驂左
右隨子孫無析箸夫婦又齊眉百歲亦恒有如翁全者
誰

辟邪珮

廉潤和閩玉製成，珮辟邪。豈知託疏狄，終得耀精華。多

石信人少

戲用柳宗元意

除兇兆賊遮，願貞符定武。詎玩物勤

遐

哨鹿

白露雖已過

二三十年前鹿鳴，以白露前後為候。今率以秋分前後為候。蓋天道自南而北

氣漸暄

氣暄鹿鳴遲

天道自南北一端，此可譬山莊過中秋應候。呦聲試哨

必有定所，松巖特佳地。

扎克丹鄂佛洛漢語，即松巖也。蓋宜哨之處亦不多得。松巖其

也一披星出御營霜坂跋輕騎一暢尋樂懷一寓習勞意

習勞以身先與衆無不同仄徑步劣前短衣披蒙茸叢

薄影白月絕壁下隋風低語學銜枚銳進擬襲攻回頭

語額駙去歲追賊蹤

去歲固倫額駙塞卜騰班珠爾隨將軍兆惠追噶爾哨賊人恩克

圖至庫隴奎地方以力戰受傷命回京茲隨哨鹿天甫黎明正同襲賊之候馬上詢及之誠不負教

養讀書曾深宮

深宮寧不逸塞野有底好繩

武貴弗忘是中有要道晏起在所戒冒冷天將曉減從

四五人攀陟窮峯嶮八义忽作聲餐切羊腸繞一鎗立
斃之今日機緣巧

緣巧匪恒逢未勞實鮮味

園中馳逐之鹿其肉勞而無味鎗斃者乃新鮮味佳也

取佳進

慈寧高擎馳飛騎所餘命剝割野食頒衆暨人擅屠坦
工斤斧髓髀試芒刃固不缺是謂善乘勢陡然憶西師
捷音尚待至

捷報

逆酋霍集占兄弟一創於霍斯庫魯克再創於阿爾楚爾勢蹙窮竄將軍富德等急躡之於伊西洱庫爾是拔達山連界地也時賊衆據峯負固我兵整陣剿擊中發大神威遠礮兼簡偏銃用鳥鎗夾攻賊中有伯克等悉其大隊呼籲乞降霍集占自山頂遮截至手刃之不得止而我兵四路設伏盡起有徒步援絕壁進者轉戰一晝夜賊遂大潰計獲賊衆一萬二千有奇鎗械二千有奇牲畜一萬

有竒逆酋僅以殘衆四五百人逸去富德等傳檄
拔達山部長曉譬順逆令其尅日縛獻至是捷聞
朕以二酋一日不獲軍務一日不竣雖仰賴

鴻庥收城服衆而旁午擘畫何能釋懷爰誌長言佇期
永靖詎得已哉

待圍小憩坐辱顏捷報飛傳達玉關奏牘機宜悉覽遍
降番輜重盡遮還千軍直進伊西洱二豎旋逃拔達山
除蔓斯之未底定可辭畫策旰宵間

哨鹿六韻

聯步披蔥蘢

人皆單行以防作響也

隨聲

鹿聲

入翠微巴顏真富地

巴顏木墩者富岡之謂也傳聞皇祖一日獲十二鹿於此故錫是名

岱爾正爭妃

謂蒙古

鹿為岱爾其來也為爭其妃也

命處端星的

鳥鎗之尾有星首有斗所以審的命中者也

屏

營發火機橫陳成振落跳去那騰飛玉馬欣然返明駝
載以歸南山豐大特較此遜祥輝

雪獵

博桑日出鹿罷鳴興安放圍趁曉晴須臾山頂塞雲興

霏霏霧霧空谷橫配藜浩唐零真真鏤冰翦水霏祥霏
側峯橫嶺忽瑤京丹楓翠栢胥著英初景宜視復宜聽
怒號萬竅不一聲砰磅汨瀝駕廣陵鏗鏗錚錚兵馬行
又如張樂於洞庭八音繁會歸和平是謂山靈示厥靈
鴻絳獵騎夙慣經淫淫喬喬緣峻嶒迷津失歧又豈曾
圍合廣甸無逸麋毳服蒙茸凌寒輕瓦衣不漏漫譏評
烏號夏服手中抨命處藝殪奚足稱嘉哉札薩奉上情

四十九旗諸札薩克蒙古隨圍執役較之喀爾喀青海
及新厄魯特歸化尤久與八旗察哈爾遂無分別矣

上下和樂延休禎亦不詗言戎索成玉田感踏旋歸營
和門侍立漢九卿褒衣博帶誠儒生相如之賦爾應能

僧機圖

峯名也下有夷齊松今自燬於火

夷齊我向名松樹重到松燒灰熄飛名象苑枯歸一幻
箇僧真善示禪機

山木

山木年深率自焚新條嫩穎更縝紛世間何物不代謝

理解當前悟後欣

射虎行

園中報有虎負嵎
攸飛親率往殲諸
隅谷白額欲潛遁
神鎗一發早中聲
去聲渠驚避深林
曳尾掉迥騎前遮
容遠
越金桃皮弓雕羽
箭凌秋風如餓鷗
叫馥然入其要害
處眈眈雙目淪精
矐蔚皮載駝聊足
欣攘臂下車真可
笑

放鹿行

邇年迤西率未到今來欲一窮其輿獵所未經獸所都
湯武毆民義可曉叶夷阮拔鹵嗟太勤供役惟千二百
人峯堯谷阻弗遺棄雁行魚貫聯汾沅放圍隊疎漸進
密虞虞之盛過沮漆大宛青驄金僕姑或羣或友燕悉
率肩疲腕怠獲他他廣原奔迸猶餘多物亦命也戒盡
殛取之無厭理則那傳宣開圍任逸避長林豐草悠然
逝索倫笑我吻叶嫗仁搢紳詡我祝網義詡我笑我兩弗
居蓄養外圍斯深意

九日

萬嶂嶽寄天次濂木蘭菊節度今朝登高即目無遺照

在上惟懷不敢驕勝地恰宜風雨度

是日微有風雨

芳筵兼聽

管絃調

以節日賜食

近臣那易知有喜劇待佳音正不聊

時

軍富德等遣使拔達山諭擒逆酋和卓木兄弟
起日往返通計軍報旦夕當至行在深用厓懷

過卜克達坂

常歲迤東獵迤西此重尋

卜克達坂居木蘭之西界每歲行圍率自崖口出入辛未

秋曾一過此

廿圍修歲事二豎待成擒

武惟勤已運籌更悉心貞符如卜克願即遞佳音

出哨

出哨過巖柴山川頓爾殊可耕地無隙

凡山頭崖凹墾闢率遍

有

獲戶多愉為

去聲

喜食衣足寧詢賦稅輸覲光殷父老莫

漫警前途

驛章

中途驛章遞遠自軍營來啟篋急披視既慰又廩懷拔

達山遵檄興兵阻逃回

拔達山汗曰素爾坦沙奉將軍富德等檄即親率兵遮截逆酋

和卓木兄弟於阿爾渾楚哈嶺首退伏嶺下齊那爾小河相持再戰素爾坦沙並調拔達山屬沙木爾伯克帶兵星赴

協勤

阿爾渾楚哈其嶺高崔嵬相持回少却守齊那

爾隈厥路乃四通薩嘛罕布孩

二回部名居布魯特安集延極西

獲否

未可知遁或投其僑備悉報將軍回字頭人差

先是逆酋於伊

西洱庫爾為我兵擊敗竄至拔達山沙木爾伯克所轄

錫克南村詭稱欲赴墨克地方禮拜時沙木爾適赴拔

達山汗所幼子在遊牧不知其詐也及沙木爾遇將軍

遣使即為供馬送致素爾坦沙而自遣頭人賽特多羅

特馳報賊情且齋回字表其言前因葉爾奇木為準噶

爾所有我等亦為服屬今天朝悉定回城我等均為大

皇帝臣僕矣

將軍正言斥此語皆阻推二豎數百衆如

詞甚恭順

雉往投罟不以時即擒巧語將誰詒

叶

將軍富德等以軍營造使未回

而彼中所遣回目恐是潛來試探且賊敗竄時殘眾無

幾又經拔達山部內沙莽蘇爾阿瑪伯克沙木爾伯

克素爾坦沙汗各處俱云賊人被殺馬駝被獲何至遲

延未擒又云素爾坦沙與賊相持之所路通薩麻罕布

孩各處或是預為他時縱賊地因書

檄督責尅日傳送今即縛酋以獻

勒兵在汝境為奉

皇恩恢虞驚汝老幼再遲兵臨哉

將軍等責遣回使時一面復宣示恩意以

爾等部曲褊小不恐遽行移兵若不即擒賊則罪在爾

等應早自為計因對使揀派偵探兵付副都統伊柱等

帶領啟行并將卡倫區畫頗中察所惜少徘徊

閱招內

按隊外辰以須繼進

賊具協機宜惟我兵直抵拔達山連界時未即窮馬力

追就獲以遠道亟攻故馬力不及事會殊堪惜耳

寶不進亦弗深督責叶縛獻斯事畢飲至凱宴開設或
更逸去數月復延揆迨迨萬里外機務親籌裁寧辭午
夜勞所期七德諧

濟爾哈朗圖行宮作

濟爾哈朗圖者蒙古語謂安樂所也凡水草佳處
則名之以居波羅河屯卜克打坂之中命發內府
餘儲建行宮數字以省行營駝載之勞工既落成
蹕適旋駐賦以七字詩得二章

北來按頓有行宮

自熱河至崖口沿路行
宮皆皇祖時所建

卜克今年路

再通致遠欲休羣畜力

木蘭中以前有獵場日行不過廿
數里自卜克至此七十餘里駝

載為勞故建行
宮以息物力

發儲匪藉庶民攻溪山不盡足真趣藻

績毋施愛樸風容膝已佳此多矣禹無間處企難同

納稼田餘種穗多富秋歷閱喜無過一溪流水村前繞

四面晴山戶外羅便犒諸藩歌湛露

是日以圍罷宴資
諸外藩及行圍衆

蒙兼宣翰苑詠卷阿蘇門審勢差相似不約而同安樂

窩

木蘭迴蹕駐避暑山莊作

木蘭廿日事秋蒐臨樂何曾忘去聲運籌去盼佳音迴尚
爾今看美景昨如流疊峯錦樹紅羸綠落峽琴泉沉且
浮似此溪山可孤負三朝合著翠華留

灤陽別墅作

雲莊松塢小棲遲潦盡烟凝颯景宜兩月促陰流水逝
半窻暖日片時披知來藏往叅辭易孔有大成詠雅詩
祇覺籌邊心益切一迴西望輒神馳

野郵

築場納稼石田收寒景寥蕭卷野郵兩嶺蒼煙連樹迴

一川寒水共秋流罷圍聊可輕輿御

自御圍啟行至出哨日乘馬罷圍始

御輿兩年來率以為例

有暇何妨警句酬迴望雲山縹緲處幾多

清興彼中留

進古北口

兩月行秋翠蹕旋石城埤堦進雄邊天時寒暖一朝異
地脈東西萬里延昨過溪山已古物再來風月指明年

翹農意乃無終始宿麥行將閱野田

麥

關外秋雨稀扈從行李地寒無宿麥不雨實可矣關
內秋雨霑罷興鋤始報稱滋麥田然疑未信此今來
歷歷看綠塍連迤邐傳聞果弗誣寧不為農喜去歲秋
逢旱赤地夏如彼轉旋賴

天佑即此未敢擬芄芄愜近觀含含預遙揣豐收敢易
言三白知何似

御園深秋

飽看秋山不厭秋，御園清景小淹留。
候暄林葉飄還綴，霜澈湖波澹且流。
漫惜登高孤勝約，那忘定遠厓深謀。

傳聞佳語兼疑信

將軍兆惠奏所遣侍衛塔尼布自將軍富德軍營馳報拔達山汗邀擊逆

狗生擒波羅泥都其霍集占亦已鎗斃富德聞信即擬率兵往取二酋而捷奏尚未至京刻為懸念露布

何時望轉愁

洋菊

海西奇種晚秋叢，標節含芳迥鮮同。
繪幘早添新物色

曾命鄒一桂
為譜圖之

瓦盆不改舊家風
灑灑露泛霞觴紫暎

曦承繖蓋紅

紅繖蓋紫霞觴
皆洋菊名也

驀地若逢陶徵士
柴桑應

未識籬東

唐寅晚翠圖

羸峯聳削玉芙蓉
歲晚孀枝綠越濃
獨立高人若有佇
恰欣知己此間逢

季秋悅心殿

孟冬

太室祀預日法宮臨便路來瓊島崇椒延藻襟鏡光澄
液沼幽景繪秋深觸緒懷民瘼寧容易悅心

沁泉廊

回回百道泉其上三間屋漾影惟雲霞品聲定絲竹却
憶夏月旱餅罄壘亦慙今來弄汜光滌濯清可掬流為
太液波潛飛任魚驚於此悟探源一足無不足

枕巒亭

小山結構儼三峯俯視如臨大壑叢著箇笠亭律率頂

祇疑蓮朶湧珠宮

偶興

塤簾蘭茝自人倫
釁梗交尤歎葛巾
蜀道易難若反掌
達夫太白總癡人

雜言

虐暑薰天不減冰
寒洄陰凝地詎累
火燃無受天損易
無受人益難
口嗅不如鼻耳視不如目
車轂雖三圍詎
可長不足尺有所短
寸有所長
明有所弗覩
聰有所弗

聽叶驗顯微可包示遠近可度多難由多易寡信由輕
諾一日二日厥有萬幾憂之如舜嗚呼誰欺

即事

北省春夏旱赤地愁千里

天恩大轉旋稍救瘡痍起江南春夏豐米斗數錢耳秋
潮繼以蟲穀癘頓踊貴叶南如幸遇豐搏節庶有恃昔
乃不知惜今則嘆乏矣北如常憶旱薄收亦勝彼仍嗟
麥價騰祁寒怨無已賑恤吾不靳溝壑可坐視調劑貴

有方一一親示指戶口日以孳孰不資食米受豐不受
歎民艱固其理弗辱在知足弗殆在知止設退一步思
道德合深旨雖然言之易所難在踐履二酋必欲得吾
亦未免此時逆徇兩和卓木已為拔達山部落一擒一
斃方傳諭軍營勒兵索獻以期永靖根株不
欲姑息目前致貽後患然收城服
衆豈無浮議謂可告武成者哉

孟冬時享

太廟

妥侑修豐祀初陽麗小春萬年福永茂一脈氣彌親磬

管雲門奏豆籩宗器陳於斯思

繼述嗣服凜惟寅

御門日作

巡狩亦萬幾詎有間宵旰還宮即御門朝簪亟延見敢
云寧藉斯愛禮語彌羨庶政酌剛柔羣材掄俊彥惟是
稱職艱握吐懷公旦

題董其昌山水

溪藤尺幅淡雲烟高致還思趙大年

見香光白識語

設使王孫

暮相遇定稱可畏出藍前

詰

暢春園恭問

皇太后安

平明傳蹕鳳城垣問

寢欽先詰壽萱

壽萱春永
所居園中寢殿名也

皇太后

數日

興居懸紫禁

高年頤養喜仙園

皇太后喜園居故
奉養於此尚未還宮

便臨御苑消清

暇依舊明窗坐宴溫硯匣琉璃寧慮凍每當觸興亦形言

夜雪

稷雪終朝細灑徐勢添入夕遂瀟如漫空問到三更半

積地云將二寸餘佳景稱懷宜約彼

將以明日幸香山
靜宜園西山晴雪

碣在園中故云

初冬顛望幸酬予雖然所樂別有在利麥祥占

汜勝書

初冬香山靜宜園作

宿潤平明清蹕傳靜宜一賞小陽天愛看積雪開千嶂

不到香山修二年瀉瀑迴垂冰作筋堯峯都鑿玉為蓮
雅予觸目吟懷處久別時晴況勝前

綠雲舫

綠雲深處鎮停橈玉海光中影蕩搖彼岸那須勞問渡
琳宮只在翠微標

題倚吟室

書室蓋如心惟虛斯能受構築寧藉多三間據香阜樹
陰籠我庭山姿入我牖小憩如向年那覺別已久佳景

固莫窮一雪無不有

賦得漱芳潤

遶步雲霞表延棲翰墨場
瑤華有朗潤真樹不凋芳
六藝興懷永三餘悅性長
士衡先著語我亦訊於傍

靜室

靜為山之仁靜復冬之貞
偶來閱冬山真稱斯室名
歸根萬葉落復始諸慮澄
于焉契筦倪詎止暢吟憑

臯塗精舍作

精舍玉華

寺名

側巖洞向育桂桂華雖過時桂香亘空際

我言非鑿空金仙早示義真鼻即幻香真香離幻鼻

賦得樂此山川佳

山川固佳處今日識真佳積雪盈眸潤兆農滿意諧清
音出泉壑餘事賞巖齋得句光含几尋幽跡印鞋玉峯
寧藉鏤銀界若為排獨憶從軍者勤勞遠塵懷

新月

新月映林扉雪後益清迴孤鶴彈梵音墜翎自顧影今

宵值偶然真趣爾恒領

雪水烹茶

越甌真漉雪惠鼎勝烹泉華液三焦潤芳腴五蘊滯何
殊煉水碧坐可證金仙陶穀獨余笑事同人未然

香山寺瞻禮偶詠

枯木寒林曉色披輕輿石磴歷逶迤堯峯積素分香界
古殿磨金禮大慈不去不來曰如是非今非昔更何疑
偶然隨喜弗同道二典三謨自我師

棲雲樓

巖棲躡迴梯
靉黷復漉淒
慚愧白雲者
不恆此共棲
天池方一畝
英英吐其中
誰知足底物
為雲亘半空

歡喜園

近嶺遙原結攬中
蕭然精舍傍花宮
今朝歡喜知真趣
萬頃良田積玉同

題雨香館

績峯萬樹互周遮
不謝天英茁道芽
試問今朝雨香館

非梅云更是何花

山雲

山雲傍午濃同色無舒卷對此望又畚積素況封燮問
竒不避寒信步忘近遠已喜瓊田踏更冀冰花翦三復
汜勝篇豈辭多益善

洗心亭

靈源不凍湛華空生翠筠篔入影叢借得雲棲題額字
境觀雖異洗心同

試泉悅性山房

泉雖輸第一

碧雲雖西山名泉然較玉泉為不及

房自納三千清暇值偶

爾烹雲便試旗竹醯文武火芸壁短長篇境詣於馬
心希四十賢

學古堂

堂名因傳說

家法始

神堯

避暑山莊有此堂名

皇祖御筆也

敬述山莊額常循義府標惜

分陰敢怠鑒百代惟昭返已將何託怵然謹旰宵

錢維城歲寒三友

細莎文石俯清潭所遇欣於益者三和汝南將向河內
金蘭水部雅相堪

副將軍富德奏報拔達山汗素爾坦沙獻逆賊霍
集占首級並以全部納款稱臣信至詩以誌事
深入殲渠逃望風情知三窟已途窮嘉茲識早獻誠順
笑彼悔遲跋扈雄和衆永看兩部定成功速在五年中

西師之役始於乙亥春準噶爾汗達瓦齊即於是秋就擒各部款附嗣是辦理回部收城服衆距今逆酋授首統計歲事未踰五年

天恩如此昭優貺保泰彌殷慎勅躬

冬至

南郊禮成述事

陽生

大祀告功駢

穹陛崔嵬

帝幕圓

雩後澤霑纒翼日疆開保定五輪年百王誰不為

天子貌已偏蒙眷

昊乾祇覺欽承榮以愧敬勤益凜勵無愆

雪

十一月十四日

連朝蘊釀雲鋪厚半夜霏微霰集來雞樹曉增寒淦淦
鴛樓陰積白皚皚田將前度添餘潤澤較去年霑兩迴

去歲三冬無雪發粟出裘寧待此

前月降旨發官倉麥豆令五城分賑減糶市直頓平其護

軍人等並先期賞
給皮衣以示體恤披襟惟是暢吟裁

雪後登碧照樓吟望

昨已傳宣瓊島遊
詰朝積雪景偏幽
即看冰影銀指鏡
更勝波光碧照樓
古木揚猗梅破萼
小山煥采玉成丘
向來粉壁無題句
似為今番清賞留

率題

戶口頻增誠美事
倉儲遞減切愁心

乾隆六年勅部歲
登天下民數穀數

計至今行之未及二十年
戶口滋生視昔已增至三千
萬有奇而倉貯所增僅七十一萬
有奇且天庾正供以

賑恤停緩截留者歲多
至數萬及數十萬不等
誰云後樂將年久祇覺先憂與
日深

雪

臘月十一日

集霰先霏密雪連慶逢臘後正春前
是月十八日立春
漸鋪鴛

瓦皆皴玉未熟猊躡亦暮烟飛蝶活看飄畫幃遺蝗幸

卜靖農田

天庥滋至駢祥吉欽受遑欣益慎虔

庚辰春帖子

臘半發青陽曉春萃百祥十千週復始又慶值金穰

東陸延禧肇西師告武成南端雙鳳闕北拱萬年清

噲斯訥默會文同

回中諸部有相沿占候書名噲斯訥默今命欽天監官往測量日影定時

憲書節氣之差

測景詳求昏旦中從此凹晴凸鼻輩一齊受吏

驗東風

歲暮禘祭

太廟述事

璇璣臨歲暮

太室裕冬烝

九廟萃神爽一躬凜繼繩瞻美惜徹饌傳火驗懸燈

崖祥花佈

是日適逢瑞雪

天恩倍敬承

雪

臘月廿九日

時霽又慶佈崇朝那更繽紛竟日飄層閣已懸銀作網
上林都結玉為條較來前度尤加渥看去平鋪未肯消
寧不生歡寧不畏福謙敢詡泰階調

除夕

今宵猶已卯明曉即庚辰
行作知非者依然望道人
靜觀新故換底是去來因
所覺便宜處心閒迓寶春

御製詩二集卷九十

皇上法天行健與日俱新建極綏猷治臻上理每以
勤政餘閒怡情典誥時復寄興歌吟

藻翰敷抒歲增月茂自

初集成編宣示中外海隅日出莫不奉是訓行矣戊
辰以來迄於己卯越十有二年

鴻篇雅什盈積卷帙者較前倍富宇內臣士延首喁
喁冀復得覩

天章情益加切爰

俯允臣等所請綜緝

二集九十卷校錄宣刻臣等珥筆直廬凡恭遇

聖製率先拜觀每廢一韻而歎為神奇或誦數章而
驚為賈絕茲幸盥讀

全帙天地形內萬物筆端然後知向所欽為神奇賈
絕者合八千首有奇而無乎不然望洋登岱洵
有莫能測識夫高深者雜誦敬繹仰見我

皇上對越

天

祖益凜嚴恭誠慤之思色養

慈寧彌徵愛慕怡愉之樂至於用入行政訓俗勤民無
逸作所之意自然流露於翰墨間而

上泰山登嵩高禮五臺幸江國

六飛所屆省方展義之餘仁智契合悉形諸吟賞
乃復於疏濬之功宣防之要

染翰而得機宜援筆而規形勢要皆

淵衷純懿積以厚而流光者也重以偉烈豐功超邁
前古始則義征不憚金川嚮化而徼外底平繼
而問罪西庭闢地二萬餘里花門月窟諸部落
自古不通疆索者悉隸版圖而凹睛凸鼻纏頭
冒彫之倫咸奉琛賫以接軌其間籌邊命將銘
勳紀績之什煌煌扈扈爛朗景彰豈惟江漢常
武諸詩為大雅之極則哉若夫對時育物觸景
興懷繪行生於毫素肖榮落於行間風雨露雷

化機靜會蝟蠕飛躍道妙俱呈

聖人心與天游因物而付則又化工在手不假鑪錘
者矣況夫拈險韻而愈穩運古語如已出極臣
下所經營慘淡而不能到者

皇上不藉思慮而得之鋪陳景鑠摛振鈞韶浩乎如
層波之湧海燦兮若羲曜之麗天極臣下所研
鍊歲月而不能畢者

皇上不逾晷刻而成之文人學士方且屏百務以操

觚猶未能窺涉其窠突

皇上即於基命亮工間揮灑出焉是非

亶聰明以首出本天縱而生安其孰能與於此哉顧

臣等日侍

彤廷既夙欽

聖性之高明尤敬仰

聖功之縝密凡此時出不窮之妙詣悉基於自強不

息之一心

皇上懋修典學日進無疆數漏課程罔間寒暑是以
勅幾熙載則魏煥益昭修辭立誠而精純彌著詩以
言志固

大聖人全體之一端而拜手賡颺者已莫能仰鑽萬
一已臣等叨列校字雖管窺雖指擬議難名而
簡末綴言竊幸無溢美諛辭云爾臣蔣溥臣劉

統勳臣梁詩正臣劉綸臣嵇璜臣金德瑛臣董

邦達臣裘曰修臣于敏中臣介福臣觀保臣王

際華臣錢汝誠臣錢維城臣竇光鼐臣蔣禡拜
手稽首恭跋

欽惟

皇上德與歲隆學隨時懋
研求治理而見理精純涵
泳性天而與天符合

外王之業益著由

內聖之功益深萬幾餘暇興
寄篇章包羅今古富有
日新自有六義以來未有若斯之極盛者也臣
於己已歸田

特奉

俞旨徧讀

御製詩初集自丙辰以迄丁卯共四十四卷臣得颺
言卷末自是中外臣庶共覩天地之光華仰羲
娥之照耀矣戊辰迄今已卯又十有二年

聖治日盛

宸翰日多內廷大臣咸請仍付剞劂以慰天下之望
若昭回奉為訓行者再三陳懇未蒙

俞允大學士臣蔣溥仍自鳩工刊刻並寄信與臣令

臣
作後跋 臣
靜觀

天藻啟牖蓬心 臣於風雨廬中齋心緜閱見

皇上勅幾康以自凜敬

天倍嚴率訓典以攸行法

祖逾謹問安視膳益盡禮於

慈寧暑雨祁寒愈關心於民瘼戒協恭而百寮齋肅襄

贊日嚴纘武功而西域蕩平幅隕無外即時而

對景詠物憑境興懷無非光風霽月之淵衷魚

躍鳶飛之化理繼初集而莊誦譬諸日月終古
常見而終古常新洵如宋臣呂祖謙所云綜以
元氣之機軸斲以陰陽之斧斤濯以江漢之波
瀾揆以雲漢之黼黻者

聖人之文從容中道造化從心豈惟較量格律超軼
漢唐為風騷之極則也哉臣以詩受知邀

寵逾分前者倣卷阿之矢音效柏梁之聯句嘗窺嵩
華之崇高每歎滄溟之浩澣因得去閣就明漸

開知識林居數年無所準則恐明者復闇知識
仍蒙茲得恭讀

御詩二集如侍

金坡恍承

天語益信

皇上兼四庫七略之學擅風發泉流之筆而一歸於
克艱厥后之心極藝苑之丈人學士有仰鑽而
彌見為高堅者也臣以望九餘年得隨諸臣後

挂名校字之末不勝榮幸馬原任禮部侍郎

恩加尚書在籍食俸臣沈德潛拜手稽首敬跋



總校官庶吉士 臣侍 朝

校對官編修 臣周厚轅

謄錄監生 臣李維翰

財團
人
佛
陀
教
育
基
金
會
釋
淨
空
敬
贈

